

## Cofnodion Cyfarfod yr 2ail Fai 2017

**Yn bresennol :-** Y Cadeirydd Elfed Wyn Williams a'r Cynghorwyr, Phyllis Ellis, Richard Ll. Jones, Rhian Evans-Hill, Idris Thomas, Jane Pierce.

**Gweddi:** Offrymwyd gair o weddi gan Richard Ll. Jones.

**1. Ymddiheuriadau.** R Hefin Williams

**2. Datgan buddiant.** Dim

**3. Dewis Swyddogion am y flwyddyn**

Penodwyd yr is gadeirydd, Idris Thomas yn gadeirydd am y flwyddyn 2017/18, gyda'r cynghorydd Rhian Evans-Hill yn is gadeirydd.

Gyda y Cynghorydd Idris Thomas yn cadeirio, diolchwyd I'r Cynghorydd Elfed Williams am ei waith yn y gadair yn ystod y flwyddyn a aeth heibio.

**4. Polisiau**

**Polisiau a Rheolau** – Edrychwyd ar bolisiau a rheolau rhag ofn bod angen adolygu.

**5. Trafod a Chymeradwyo Mantolen Ariannol 2016/17**

Bu trafodaeth ynglyn a'r fantolen a'r prif wahaniaethau yw:

taliadau cyffredinol yn llai, ynghyd a rhoddion i fudiadau. Bydd taliad gordaliad praesept llynedd yn codi i £1250 eleni a flwyddyn nesaf, ac mae'r balansau yn uwch gan nad ydym wedi talu eto am atgyweirio y cysgodfannau bws, na llenwi biniau halen.

O ochor derbyniadau, roedd y praesept a'r ad daliad TAW yn fwy, ond ad-daliad torri llwybrau yn llai yn dilyn toriadau.

Roedd pawb yn unfrydol ar gywirdeb y ddogfen a Derbyniwyd y Fantolen Ariannol o gyfrifon y Cyngor am y flwyddyn 2016/2017 yn barod am yr archwiliad.

**6.Cofnodion Cyfarfod 4ydd Ebrill 2017**

Derbyniwyd y cofnodion fel rhai cywir.

**7. Materion o'r cofnodion**

**Cynllunio** – Derbyniwyd llythyr yn ôl yn dilyn ein cŵyn am amser i edrych ar geisiadau cynllunio, a'r ffaith ei fod yn creu rhwystredigaeth i nifer o gynghorau cymuned a thref. Awgrymwyd pan fod yna geisiadau yn dod i law sydd angen trafodaeth hir, ein bod yn creu panel sydd yn gallu cwrdd i drafod y cais yn hytrach na cyngor llawn.

**Bron Gwynedd** – Adroddwyd fod swyddogion wedi bod yn ymweld a'r safle yn ystod y dydd tra roedd yr ardal yn ddistaw a heb geir, nid ydym yn gwybod eu penderfyniad eto.

**Mast** - Er fod y cyngor wedi gwrthwynebu i'r cais yma gan ei fod ar gongl beryg, mae'r cais wedi gael ei ganiatau,

**Golau Stryd Tan y Gaer** – Dal i ddisgwyl i'r Cyngor Sir gysylltu.

**8. Gohebiaeth a materion eraill**

**Hyfforddiant Cynefino Cynghorwyr Newydd**

Siomedig oedd y cyngor nad oes neb wedi rhoi eu henwau ymlaen i gynrychioli eu hardal

ar sawl sedd wâg ar y cyngor cymuned. Mae gan y clerc restr o gyrsiau sydd ar gael.

## **9. Cynllunio**

### **Ceisiadau a dderbyniwyd yn ystod y mis:**

**Gallod, Fachwen** – Codi Uned gwyliau newydd yn dilyn dymchwel y gweithdy presennol.

## **10. Cynghorwyr a Seddi Gwag**

**Penisarwaun (2)** – Phyllis Ellis

**Brynrefail (1)** –

**Bethel (4)** – Sion Jones, Richard Ll. Jones.

**Rhiwlas (2)** – Rhian Evans-Hill, R. Hefin Williams

**Deiniolen (4)** – Elfed W Williams, Idris Thomas

**Dinorwig (1)** –

### **Cyf-etholwyd Jane Pierce ar 1 sedd yn Bethel**

**Felly, mae 6 sedd angen eu llenwi eto.**

## **11. O Gwmpas y Bwrdd**

**Rhiwlas** – Mae angen symyd y Bin Baw Ci yn agosach at y giat ger y cae chwarae, a hefyd angen trwsio y bin arall.

**Rhiwlas** – Angen arwyddion 20 MYA ger yr ysgol ac wrth basio y maes chwarae oherwydd gor yrru yn yr ardal. Llythyru adran draffig y cyngor Sir.

**Croesfan Gelligyffwrdd** – Mae ceir yn pasio oddi mewn ar fynediad Gors Bach. Oherwydd diffyg llinellau gwyn ar y groesffordd, mae yr ardal yn le peryg pan mae ceir yn dod i fyny o gyfeiriad Eglwys Llanddeiniolen i'r groesffordd. Llythyrru Eto.

**Penisarwaun** – Arwydd loriau ger Tan y Gaer wedi troi, ac mae traffig a loriau trwm yn defnyddio y lôn i ddod allan ger Rhydau neu Ynys Iago ac osgoi y gwaith a goleuadau traffig ger Beran. Llythyr yn gofyn am droi yr arwydd yn ôl.

**Deiniolen** – Dymuna'r Cyngor ddiolch i Mr. Tecwyn Green a fu yn codi ysbwriel a tacluso ardal i gefn Fynwent Macpela a Cae Chware Y Bwthyn cyn Sul y Blodau pan oedd cynifer o bobol yn ymweld a'r fynwent. Diolch yn fawr Tecwyn. Hefyd, diolch i'r criw a fu yn gyfrifol am godi ysbwriel o Ddinorwig lawr i Ddeiniolen ar ddydd Llun Pasg. Diolch yn Fawr.